

Sakspapir

Sakshandsamar	Arkiv	ArkivsakID
Anne Kristin Rafoss	FE-033	23/338

Saknr	Utval	Type	Dato
005/2023	Valstyret	PS	27.04.2023

Førehandsrøysting ved kommune- og fylkestingsvalet 2023 og val av røystestader

Rådmannen sitt framlegg til vedtak:

Førehandsrøysting ved Stortingsvalet 2021 vert lagt opp slik:

	Kommunehuset	10-aug - 8.sept	09:00 – 15:00
	Biblioteket på Matre	torsdag 31.aug	13:00 – 18:30
	Sjukeheimen	tysdag 5.sept	10:00 – 12:00
	Biblioteket på Hosteland	tysdag 5.sept	13:00 – 19:00
	Butikken på Hosteland	fredag 8.sept	12:00 – 18:00
	Butikken på Kvingo	fredag 8.sept	12:00 – 18:00
	Butikken på Haugsvær	fredag 8.sept	12:00 – 18:00

Frist for å søke om ambulerande røysting vert tirs 5.sept kl 08:00.

Rådmannen får fullmakt til å justere på opningstidene viss opningstidene på butikkane eller biblioteket endrar seg.

Saksopplysningar:

Bakgrunn

Vallova fastset at tidlegrøysting ved kommunevalet skal vere i perioden 1.juli til den ordinære

førehandsrøysting startar, jf vallova § 8-1, pkt (4).

Vallova fastset at førehandsrøysting ved kommunevalet skal vere i perioden 10.august til 8.september, jf vallova § 8-1 pkt (1) og (2).

Vallova fastset at førehandsrøystinga skal gå føre seg i eigna og tilgjengelege lokale, jf vallova § 8-3 pkt (1). Det er og fastsett i lova at det skal vere førehandsrøysting på helse- og sosialinstitusjonar. Andre førehandsrøystingsstader vert der valstyret bestemmer, jf vallova § 8-3 plkt (2).

Vallova fastset at dei som grunna sjukdom eller uførhet ikkje kan avgje stemme ved førehandsrøystingsstadane eller på valting, kan søke valstyret om å avgje førehandsrøyst der dei oppheld seg (ambulerande røysting), jf vallova § 8-3, pkt (6).

Fakta

Ved kommunestyre -og fylkestingvalet i 2019 og stortingsvalet i 2021 var det mogeleg å førehandsrøyste på kommunehuset i heile førehandsperioden. Den siste veka før valdagen var det mogeleg å førehandsrøyste i biblioteka sine opningstider. I tillegg var det mogeleg å førehandsrøyste på butikkane på Haugsvær, Kvingo og Hosteland fredag før valdagen.

Evaluering av gjennomføringa av førehandsrøysting for kommunestyre- og fylkestingsvalet samt stortingsvalet viser at dette oppsettet fungerte godt.

Vurdering

Tidleggrøysting

Tidleggrøysting vert berre mogeleg på kommunehuset i perioden 3.juli til og med 9.aug. Den som vil tidleggrøyste må avtale dag på førehand sidan røysteperioden er i ferietida. Dvs at ein ikkje kan krevje å få tidleggrøyste viss ein berre møter opp utan avtale. Rådmannen reknar med at ein skal kunne ta i mot tidlegstemmer i tre av fem vekedager i sommarvekene.

Førehandsrøysting

Førehandsrøystingsopplegget i samband med kommunestyre- og fylkestingsvalet 2019 og stortingsvalet 2021 fungerte godt. Frå evaluering for to år sidan går det fram at tal valmedarbeidarar på førehandsrøystinga på Hosteland må aukast frå to til tre grunna stort oppmøte. Utover dette har det ikkje kome fram moment som tilseier at Masfjorden kommune skal endre det innarbeidde opplegget for førehandsrøysting.

Ambulerande røysting

Det er valstyret som fastset frist for at søknad om å få røyste heime skal vere komen til kommunen, men valhandboka fastset at fristen skal setjast til eit tidspunkt mellom tysdag og fredag den siste veka før valet. Rådmannen rår til at ordinær frist vert sett til tysdag 5.sept. kl 08:00 men at hovudtilbodet om ambulerande røysting formidla gjennom heimetenesene, vert gjennomført i veke 35. Ordinær ambulerande røysting vert gjennomført 6. og 7.sept.

Konklusjon

Basert på forutsetningar i vallova og erfaringa frå dei siste kommune- og stortingsvala vert førehandsrøysting ved stortingsvalet 2021 lagt opp slik framlegg til vedtak viser.

Valstyret - 005/2023

VS - behandling:

Framlegg til vedtak vart samrøystes vedteke.

VS - vedtak:

Førehandsrøysting ved Kommune- og fylkestingsvalet 2023 vert lagt opp slik:

	Kommunehuset	10-aug - 8.sept	09:00 – 15:00
	Biblioteket på Matre	torsdag 31.aug	13:00 – 18:30
	Sjukeheimen	tysdag 5.sept	10:00 – 12:00
	Biblioteket på Hosteland	tysdag 5.sept	13:00 – 19:00
	Butikken på Hosteland	fredag 8.sept	12:00 – 18:00
	Butikken på Kvingo	fredag 8.sept	12:00 – 18:00
	Butikken på Haugsvær	fredag 8.sept	12:00 – 18:00

Frist for å søke om ambulerande røysting vert tirs 5.sept kl 08:00.

Rådmannen får fullmakt til å justere på opningstidene viss opningstidene på butikkane eller biblioteket endrar seg.